

**"Техникалық байқау орталықтарының тізілімін жүргізу қағидасын бекіту туралы"
" Қазақстан Республикасы Үкіметінің 2011 жылғы 17 мамырдағы № 524
қаулысына өзгерістер енгізу туралы**

Күшін жойған

Қазақстан Республикасы Үкіметінің 2012 жылғы 30 шілдедегі № 1003 Қаулысы.
Күші жойылды - Қазақстан Республикасы Үкіметінің 2015 жылғы 12 қазандағы
№ 821 қаулысымен

Ескерту. Күші жойылды - ҚР Үкіметінің 12.10.2015 № 821 (алғашқы ресми жарияланған күнінен бастап қолданысқа енгізіледі) қаулысымен.

Қазақстан Республикасының Үкіметі **ҚАУЛЫ ЕТЕДІ:**

1. «Техникалық байқау орталықтарының тізілімін жүргізу қағидасын бекіту туралы» Қазақстан Республикасы Үкіметінің 2011 жылғы 17 мамырдағы № 524 қаулысына (Қазақстан Республикасының ПҰАЖ-ы, 2011 ж., № 39, 475-құжат) мынадай өзгерістер енгізілсін:

тақырыбы мынадай редакцияда жазылсын:
«Техникалық байқау операторларының тізілімін жүргізу қағидаларын бекіту туралы» ;

1-тармақ мынадай редакцияда жазылсын:
«1. Қоса беріліп отырған Техникалық байқау операторларының тізілімін жүргізу қағидалары бекітілсін.»;
көрсетілген қаулымен бекітілген Техникалық байқау орталықтарының тізілімін жүргізу қағидасында:

тақырыбы мынадай редакцияда жазылсын:
«Техникалық байқау операторларының тізілімін жүргізу қағидалары»;
1, 2 және 3-тармақтар мынадай редакцияда жазылсын:
«1. Осы Техникалық байқау операторларының тізілімін жүргізу қағидалары (бұдан әрі – Қағида) «Жол жүрісі қауіпсіздігі туралы» Қазақстан Республикасының 1996 жылғы 15 шілдедегі Заңының 18-1-бабының 1-тармағына сәйкес әзірленді және техникалық байқау операторларының тізілімін жүргізу тәртібін белгілейді .

2. Техникалық байқау операторларының тізілімі (бұдан әрі – тізілім):

1) механикалық көлік құралдарына және олардың тіркемелеріне міндетті техникалық байқау жүргізуді жүзеге асыратын техникалық байқау операторларының бірыңғай тізбесін жасау;

2) техникалық байқау операторларының механикалық көлік құралдарына

және олардың тіркемелеріне міндетті техникалық байқау жүргізу тәртібінің және Қазақстан Республикасының қолданыстағы заңнамасында белгіленген талаптардың сақталуына мемлекеттік бақылауды қамтамасыз ету мақсатында құрылады.

3. Тізілім бірыңғай, мерзімдік нақтыланатын техникалық байқау операторларының және олар туралы барлық қажетті ақпараттық-анықтамалық сипаттағы мәліметтерді қамтитын тізбені білдіреді.»;

6-тармақ мынадай редакцияда жазылсын:

«6. Тізілімге енгізу үшін дара кәсіпкер немесе заңды тұлға мынадай құжаттарды ұсынады:

1) өтініш;

2) заңды тұлға үшін – заңды тұлға ретінде мемлекеттік тіркеу туралы куәліктің көшірмесі;

3) дара кәсіпкер үшін – жеке басын куәландыратын құжаттың және дара кәсіпкер ретінде тіркеу туралы куәліктің көшірмесі;

4) техникалық байқау операторының Қазақстан Республикасының заңнамасына сәйкес жылжымайтын мүлікке құқықтарды тіркеу жүргізілгені туралы мөртабан қойылған, жылжымайтын мүлікке меншік немесе оны иелену және пайдалану құқығын растайтын құжаттардың нотариалды куәландырған көшірмелері;

5) сынақ жабдығын аттестаттау және өлшем құралдарын салыстырып тексеру сертификаттарының көшірмелері;

6) осы Қағидаға 2-қосымшаға сәйкес нысан бойынша сынақ жабдықтары мен өлшеу құралдары туралы ақпарат.»;

8-тармақ мынадай редакцияда жазылсын:

«8. Көліктік бақылау органдары өтінішті оған қоса беріліп отырған құжаттармен бірге ол берілген күннен бастап бес жұмыс күні ішінде қарайды.»;

9-тармақ алынып тасталсын;

11, 12, 13, 14 және 15-тармақтар мынадай редакцияда жазылсын:

«11. Тізілімге енгізу туралы шешім бұйрық нысанында ресімделеді.

Тізілімге енгізгенде немесе тізілімге енгізуден бас тартқан кезде көліктік бақылау органдары өтініш берушіге осы Қағиданың 8-тармағында көрсетілген мерзімде тізілімге енгізу туралы жазбаша хабарламаны немесе жазбаша дәлелденген бас тартуды жібереді.

12. Көліктік бақылау органдары тізілімге енгізу туралы бұйрық шыққан күннен бастап бір жұмыс күні ішінде уәкілетті органға:

1) техникалық байқау операторының атауын;

2) техникалық байқау операторының мекенжайын және байланыс телефонын;

3) техникалық байқау орталығының мекенжайын және байланыс

т е л е ф о н д а р ы н ;

4) техникалық байқаудың стационарлық желісінің орналасқан жерін;

5) техникалық байқаудың стационарлық және ұтқыр желілерінің үлгісін және с а н ы н ;

6) техникалық байқау операторы қызметінің өңірін қамтитын ақпаратты ұ с ы н а д ы .

13. Уәкілетті орган тоқсан сайын тізілімнің мерзімдік баспасөз басылымдарында қазақ және орыс тілдерінде жариялануын жүзеге асырады және өзінің www.mtc.gov.kz ғаламтор-ресурсында орналастырады.

14. Тізілімге енгізілген техникалық байқау операторы көліктік бақылау органдарына тізілімге енгізу кезінде ұсынылған мәліметтер мен құжаттардың қандай да бір өзгерістері туралы осындай өзгерістер енгізілген күнінен бастап бес жұмыс күні ішінде хабарлайды.

15. Көліктік бақылау органдары тізілімге енгізу кезінде ұсынылған мәліметтер мен құжаттардың қандай да бір өзгерістері туралы хабарламаны алған күннен бастап бір жұмыс күні ішінде уәкілетті органға техникалық байқау операторының мәліметтері мен құжаттарының өзгерістері туралы ақпаратты ұ с ы н а д ы . » ;

19, 20 және 21-тармақтар мынадай редакцияда жазылсын:

«19. Тізілімінен алып тастау үшін:

1) дара кәсіпкердің немесе заңды тұлғаның техникалық байқау операторларының тізілімінен ерікті түрде алып тастау туралы өтініші;

2) Қазақстан Республикасының заңнамасына сәйкес дара кәсіпкер қызметінің тоқтатылуы, заңды тұлғаның таратылуы немесе қайта ұйымдастырылуы;

3) техникалық байқау операторларының тізіліміне енгізу кезінде көрінеу дә й е к с і з а қ п а р а т ұ с ы н у ;

4) механикалық көлік құралдарын және олардың тіркемелерін міндетті техникалық байқаудан өткізу, жөндеу, оларға техникалық қызмет көрсетулер бойынша көрсетілетін қызметтерді қоса атқару;

5) механикалық көлік құралдарын және олардың тіркемелерін міндетті техникалық байқауды жүзеге асыру саласында әкімшілік құқық бұзушылықты бір жыл ішінде қайталап жасау негіз болып табылады.

20. Техникалық байқау операторларының тізілімінен алып тастау туралы хабарлама көліктік бақылау органы тиісті шешім қабылдағаннан кейін үш жұмыс күні ішінде дара кәсіпкерге немесе заңды тұлғаға жіберіледі.

21. Тізілімнен алып тастау техникалық байқау операторы қызметінің т о қ т а у ы н а а л ы п к е л е д і . » ;

көрсетілген Қағидаға 1-қосымша осы қаулыға қосымшаға сәйкес жаңа р е д а к ц и я д а ж а з ы л с ы н .

2. Осы қаулы алғашқы ресми жарияланған күнінен бастап күнтізбелік он күн өткен соң қолданысқа енгізіледі.

Қазақстан Республикасының
Премьер-Министрі
К. Мәсімов

Қазақстан Республикасы
Үкіметінің
2012 жылғы 30 шілдедегі
№ 1003 қаулысына
қосымша
Техникалық байқау операторларының
тізілімін жүргізу қағидаларына
1-қосымша

Техникалық байқау операторларының тізілімі

Р/с №	Техникалық байқау операторының атауы	Техникалық байқау операторының мекен-жайы және байланыс телефоны	Техникалық байқаудың стационарлық желісінің орналасқан жері	Техникалық байқаудың стационарлық желісінің жұмыс істеу режимі	Техникалық байқаудың стационарлық желісінің типі және саны	Техникалық байқаудың ұтқыр желісінің типі және саны	Техникалық байқау операторлары қызметінің өңірі	Техникалық байқау оператор тізілімін енгізлет өзгерісте және толықтық
1	2	3	4	5	6	7	8	9